



## მესტიის მუნიციპალიტეტის მეხიის ინფრასტრუქტურის განვითარებისა და ახეიკეთების სამსახურის 2024 წლის 6 თვის ანგარიში

მესტიის მუნიციპალიტეტში, 2024 წელს ინფრასტრუქტურის განვითარებისთვის დაიგეგმა 15 898 322 ლარის სამუშაოების შესრულება. საქართველოს მთავრობის განკარგულებით, სხვადასხვა პროექტებისთვის გამოყოფილია:

- რეგიონებში განსახორციელებელი პროექტების ფონდიდან 7 613 976 ლარი,
- მალაქოთიანი დასახლებების განვითარების ფონდიდან 500 097 ლარი,
- სტიქიის შედეგების სალიკვიდაციოდ 284 000 ლარი,
- სოფლის მხარდაჭერის პროგრამით 1 574 000 ლარი და
- საჯარო ფინანსების მართვის გაუმჯობესების ხელშეწყობის მიზნით განხორციელებული ღონისძიებების შესრულებიდან გამომდინარე კაპიტალური გრანტის სახით გამოყოფილი იქნა 450 000 ლარი.
- ადგილობრივი ბიუჯეტიდან კი 4 176 249 ლარის პროექტები.

მიმდინარე წლის 6 თვეში ინფრასტრუქტურული ობიექტების მშენებლობა რეაბილიტაციაზე დაიხარჯა 8 552 812 ლარი, რაც წლიური გეგმის 55 %-ს შეადგენს. 6 თვის გეგმა კი 108 %-ით შესრულდა. შესრულებულ სამუშაოთა უმეტესი ნაწილი მოდის საგზაო ინფრასტრუქტურის განვითარებაზე. გასულ 6 თვეში გზებისა და ხიდების მშენებლობა რეაბილიტაციაზე ნაცვლად 3 800 000 ლარისა (წლიური გეგმა განისაზღვრა 7 600 000 ლარის ოდენობით) შესრულდა 5 702 400 ლარის სამუშაოები. გეგმა შესრულდა 150 %-ით. 2024 წელს დაიწყო:

მესტიის ქუჩების რეაბილიტაცია 4 ლოკაციაზე (NAT240001680), პროექტის სახელშეკრულებო ღირებულება განისაზღვრა 1 760 640 ლარის ოდენობით. პროექტი უნდა დამთავრდეს 2026 წლის 30 აპრილამდე. გეგმა-გრანტის მიხედვით მიმდინარე წელს უნდა შესრულებინათ 725 726 ლარის სამუშაოები, რომელიც ფაქტიურად 1 ივლისამდე აითვისეს და 6 თვის გეგმა 195 %-ით შესრულდა.

• ლახამულის ადმინისტრაციულ ერთეულში სოფლის ცენტრამდე მისასვლელი გზის რეაბილიტაცია (NAT240001497) მრავალწლიან პროექტს წარმოადგენს, მიმდინარე წელს გათვლილი იყო 527 000 ლარის სამუშაოები. 6 თვეში დაიხარჯა 420 000 ლარი, წლიური გეგმა 84 %-ით, 6 თვის კი 168 %-ით შესრულდა. გზის მშენებლობა უნდა დამთავრდეს 2026 წელს. სულ ჯამში დაიხარჯება 1 819 973 ლარი.

• წვირის ადმინისტრაციულ ერთეულში, სოფელ იელის 10 კმ-იანი საავტომობილო გზის მშენებლობა (NAT240001497), სამუშაოთა მოცულობისა და სახარჯთაღრიცხვო ღირებულებიდან გამომდინარე პროექტი არის მრავალწლიანი. მიმდინარე წლისთვის განისაზღვრა მოსამზადებელი სამუშაოებისა და გზის 1 კმ-იანი მონაკვეთზე ბეტონის საფარის მოწყობა. განვილი 6 თვეში შესრულდა 746 570 ლარის სამუშაოები. გეგმის შესრულებამ 149% შეადგინა.

• სამშენებლო სამუშაოები დაიწყო იდლიანის ადმინისტრაციულ ერთეულის ცენტრთან დამაკავშირებელ ხიდამდე მისასვლელი საავტომობილო გზაზე და 6 თვეში დაიხარჯა 500 000 ლარი.

სამშენებლო სამუშაოები გაგრძელდა წინა წლებში დაწყებულ ობიექტებზე და ესენია:

- იფარის ადმინისტრაციულ ერთეულში სოფელ ზეგანის საავტომობილო გზის მშენებ-

ლობა (NAT230000533), პროექტი უნდა დასრულდეს 2025 წელს. მიმდინარე წლისთვის განსაზღვრულია 1 000 000 ლარის ათვისება, ობიექტზე ამ ეტაპისთვის მთლიანად შესრულებულია სამუშაოთა 60%.

• ლატალის ადმინისტრაციულ ერთეულში ლახუშდის საავტომობილო გზის მშენებლობაზე (NAT230000737) შესრულების მაჩვენებელი 65%-ს აღწევს და უნდა დასრულდეს 2025 წლის მაისში.

• მულახის ადმინისტრაციულ ერთეულში არცხელის გზის მშენებლობასა და ხიდის რეაბილიტაციაზე (NAT230004473) 6 თვეში შესრულებულია 191 313 ლარის სამუშაოები.

• სოფელ ჭუბერში ყარსგურიშის 7,4 კმ საავტომობილო გზის მშენებლობაზე (NAT230006809), რომელიც ასევე გარდამავალ პროექტია, დაიწყო ბეტონის საფარის დაგება და მიმდინარე წელს სულ ჯამში შესრულდა 1 720 000 ათ ლარის სამუშაოები.

• წლის ბოლომდე უნდა დასრულდეს ფარის ადმინისტრაციულ ერთეულში, ცენტრთან დამაკავშირებელი გზის მშენებლობა.

• გაგრძელდა წვირის 3 კმ-იანი საავტომობილო გზის მშენებლობის მეორე ეტაპის სამუშაოები.

• მოსახლეობის საყოფაცხოვრებო პირობების გაუმჯობესების პროგრამის ფარგლებში, 2024 წლის 6 თვეში სასმელი წყლის სისტემების მშენებლობასა და კეთილმოწყობას მოხმარდა 577 323 ლარი. მათ შორის:

- ცენტრალური ბიუჯეტიდან გამოყოფილი იქნა 500 000 ლარი.
- ადგილობრივი ბიუჯეტიდან 77 323 ლარი.

2024 წლის ბოლომდე უნდა დამთავრდეს ლენჯერში ნესგუნისა და ლემსიის სასმელი წყლის სისტემის მშენებლობა. გასულ 6 თვეში შესრულდა 420 00 ლარის სამუშაოები. დაიწყო ბერის ადმინისტრაციულ ერთეულში შეფავალი სოფლების წყლის სისტემის, სათავე ნაგებობისა და რეზერუარის მშენებლობა. მესტიის მუნიციპალიტეტის კეთილმოწყობის და სამოქალაქო ინფრასტრუქტურის გაუმჯობესების მიზნით დაიხარჯა 194 291 ლარი, მათ შორის:

- იფარის საბავშვო ბაღის მშენებლობაზე (NAT220015355) 59 862 ლარი. (სახელშეკრულებო ღირებულება 594 650 ლარი).
- ლატალში მრავალფუნქციური შენობის მშენებლობაზე 91 120 ლარი.
- მესტიის საავადმყოფოს სარემონტო სამუშაოებზე 43 309 ლარი.

სოფლის მხარდაჭერის პროგრამით, სოფლის საქრობებიდან გამომდინარე შერჩეული პრიორიტეტების შესაბამისად დამტკიცებული ინფრასტრუქტურული პროექტების განხორციელების მიზნით ხელშეკრულება გაფორმდა 99 მენარმე ფიზიკურ პირთან და შესრულდა 887 730 ლარის სამუშაოები.

სისტემატურად მიმდინარეობს სატენდერო დოკუმენტაციის მომზადება და შესაბამის სამსახურს ტენდერზე გასატანად, განვილი პერიოდში გადაეცა 18 ობიექტის დოკუმენტები, მათ შორისა:

- ნაკრის საავტომობილო გზის მშენებლობის პროექტი;
- მესტიის 10 კვტ. ელექტრო გადამცემი ხაზის რეაბილიტაციის;

- აეროპორტის (ბ.კახიანის ქუჩის) გზის გარე განათების მოწყობის;
- ადიშის მრავალფუნქციური (საბავშვო ბაღის) შენობის პროექტები ინფრასტრუქტურული ობიექტების მშენებლობის პროცესს ინსპექტირება-ზედამხედველობას უწევენ სახელმწიფო ტენდერში გამარჯვებული კომპანიები.

საქართველოს პრემიერ-მინისტრის მიერ ინიცირებული საბავშვო ბაღების მშენებლობა-რეაბილიტაციის პროგრამის ფარგლებში დამტკიცდა საბავშვო ბაღების მშენებლობა წვირში, ბეროს ცენტრსა და სოფელ ბარში. რეაბილიტაცია ჩაუტარდებამესტიის პირველ საბავშვო ბაღს. დაიგეგმა უშგულის, ლახამულის და მესტიის მეორე, საბავშვო ბაღების რეაბილიტაცია. „მესტიის მუნიციპალიტეტის ტერიტორიების გამოყენებისა და განაშენიანების რეგულირების საკითხთა საბჭოს დებულების“ შესაბამისად, 2024 წლის 6 თვეში ჩატარდა 2 სხდომა და განხილულ იქნა 14 საკითხი. მშენებლობის ნებართვა გაიცა 5 ობიექტზე. მათ შორის:

- 1 ინდივიდუალური ერთბინიანი საცხოვრებელი სახლი;
- 1 სათავგადასავლო ტურიზმის სკოლა;
- 1 ხის გადამამუშავებელი საამქრო
- 2 სკოლა (იფარი; ნაკრა)

მინის ნაკვეთის სამშენებლო გამოყენების პირობების დამტკიცების შესახებ გაიცა 11 ინდივიდუალურ ადმინისტრაციულ სამართლებრივი აქტი. გაცემულ ნებართვებში ცვლილებების შეტანის თაობაზე, მომზადდა 9 ბრძანება.

- გასულ საანგარიშო პერიოდში მომზადდა 10 ერთეული მინის ნაკვეთის აღნაგობის უფლებით გადაცემის თაობაზე ხელშეკრულება (სარგებლობის უფლებით გაიცა 28 006 კვ.მ ფართობის მინის ნაკვეთები);
- ამავე პერიოდში მომზადდა 3 ნასყიდობის ხელშეკრულება. 6 თვის განმავლობაში შეძენილი იქნა 2 788 კვ.მ მინის ნაკვეთი.

„საჯარო რეესტრის შესახებ“ საქართველოს კანონში 2019 წელს შესული ცვლილებებიდან გამომდინარე, სამსახურის არქიტექტურის განყოფილების უფროსს დავალებული აქვს მინის ნაკვეთების გამიჯვნისა და გაერთიანების პროექტების მომზადება და საანგარიშო პერიოდში მომზადდა 42 თანხმობა მინის ნაკვეთების გამიჯვნა/გაერთიანების შეთანხმების თაობაზე. ინფრასტრუქტურის სამსახური ჩართულია ინფრასტრუქტურული ობიექტებზე შესრულებულ სამუშაოთა ჩაბარების პროცესში. ინფრასტრუქტურის სამსახური სისტემატურად იღებს ინფორმაციას მუნიციპალიტეტში მიმდინარე იმ სამშენებლო ობიექტების შესახებ, რომელთა მშენებლობას ახორციელებს საქართველოს მუნიციპალური განვითარების ფონდი (3 საბავშვო ბაღი, ოთხი საჯარო სკოლა), საავტომობილო გზების დეპარტამენტი და მონაწილეობს პრობლემური საკითხების გადაჭრის საქმეში. უნდა აღინიშნოს, რომ ინფრასტრუქტურული პროექტების დაგეგმვა ხორციელდება, მესტიის მუნიციპალიტეტის მდგრადი განვითარების მიზნების დანერგვის სამოქმედო გეგმისა და მუნიციპალიტეტის საშუალოვადიანი განვითარების დოკუმენტების შესაბამისად, რის საფუძველზეც ყოველწლიურად დგება მუნიციპალიტეტის ინფრასტრუქტურის განვითარების სტრატეგია და პროგრამული ბიუჯეტი.



# სასკოლო კონკურსი „დიდგორელი“

მესტიის მუნიციპალიტეტში წარმატებით დასრულდა საგანმანათლებლო პროექტის „დიდგორელი“ სასკოლო კონკურსი, რომლის მთავარი მხარდამჭერი გახლავთ მესტიის მუნიციპალიტეტის ახალგაზრდული თვითმართველობა.

კონკურსში გამარჯვებული გახდა ნაკურსი საჯარო სკოლის მოსწავლე ნიკოლოზ ვიბლიანი, რომელსაც „ახალგაზრდული თვითმართველობა“ გადასცემს სტიპენდიას 6 თვის განმავლობაში. ნიკოლოზ ვიბლიანის ისტორიის პედაგოგი სპარტაკ გვარამია. გამარჯვებული მესტიის მუნიციპალიტეტის მერმა ბატონი კაპიტონ ჟორჯოლიანი გამოავლინა.

კონკურსი „დიდგორელი“ მეორე ადგილი დაიკავა კალის საჯარო სკოლის

მოსწავლემ მარიამ მარგველანმა, რომელსაც მესტიის ახალგაზრდულმა თვითმართველობამ საჩუქრად ფულადი პრიზი და ნიგნები გადასცა.

პროექტმა მაღალი შედეგების გათვალისწინებით, გამოავლინა ექვსი მესამე ადგილოსანი: მარიამ ლეჩიანი (უშგული) ლიზი დავითიანი (იდილიანი), მარიამ კვანციანი (იდილიანი), ნინო ნიჟარაძე (უშგული), ელენე სუბელიანი (ნაკრა), თამარ ნაკანი (მესტიის მე-3 სკოლა), რომლებსაც საჩუქრად ფულადი პრიზები და ნიგნები გადაეცათ.

დაჯილდოების ცერემონიაზე აუდიტორიას მიმართეს მესტიის მერმა ბატონმა კაპიტონ ჟორჯოლიანმა და პროექტის ავტორმა ლევან ჟვანიამ. ასევე, მოეწყო

მოკლემეტრაჟიანი დოკუმენტური ფილმის „ნულრულაშენი – ლაშა-გიორგის სიყვარულის ისტორია“ ჩვენება.

აღსანიშნავია, რომ ფილმზე თავად ლევან ჟვანიამ და 2019 წლის დიდგორელის ფინალისტმა და სტიპენდიანტმა იმუშავეს.

ფილმის ლინკი: <https://www.youtube.com/watch?v=Q6dBwzI2Hw>

კონკურსი „დიდგორელი“ მონაწილეობა მიიღო მესტიის 22 სკოლის 105-მა მოსწავლემ, რომელთაგან მესამე ტურში 50, ხოლო ფინალურ ტურში 28 მოსწავლე გადავიდა. კონკურსის ყველა მონაწილეს გადაეცა სხვადასხვა სახის საჩუქრები, მათ შორის ნიგნები და სერტიფიკატები.

# კოლეჯი „თეთრული“

აცხადებს სამემოდგომო მიღებას შემდეგ პროგრამებზე:

**კომპიუტერული ქსელი და სისტემები** – ინტეგრირებული მიდგომით სწავლის ხანგრძლივობა – 3 წელი პროგრამაზე დაშვების წინაპირობა – საბაზო განათლება (ცხრა-კლასდამთავრებული). ინტეგრირებული სწავლება ნიშნავს, რომ ცხრა-კლასდამთავრებულს საშუალება აქვს პროფესიულ განათლებასთან ერთად, მიიღოს სრული ზოგადი განათლება. აღნიშნული პროგრამების დასრულების შედეგად, გაიცემა პროფესიული დიპლომი, რომელიც გათანაბრებულია სრული ზოგადი განათლების ატესტატთან.

**კონდიტერი**  
სწავლის ხანგრძლივობა – 15 თვე, პროგრამაზე დაშვების წინაპირობა – საბაზო განათლება.

**კულინარიის ხელოვნება** – დუალური მიდგომით  
სწავლის ხანგრძლივობა – 2 წელი, პროგრამაზე დაშვების წინაპირობა – საბაზო განათლება.

დუალური სწავლების დროს პროფესიულ სტუდენტს აქვს შესაძლებლობა, რომ პროგრამის ფარგლებში თეორიულ სწავლებასთან ერთად 51% მეტი პრაქტიკული უნარ ჩვენები მიიღოს პარტნიორ კომპანიებში.

**სამკერვალო წარმოება**  
სწავლის ხანგრძლივობა – 17 თვე, პროგრამაზე დაშვების წინაპირობა – საბაზო განათლება.

**სასტუმრო მომსახურება**  
სწავლის ხანგრძლივობა – 13 თვე, პროგრამაზე დაშვების წინაპირობა – სრული ზოგადი განათლება.

**სატყეო საქმე**  
სწავლის ხანგრძლივობა – 9 თვე, პროგრამაზე დაშვების წინაპირობა – სრული ზოგადი განათლება.

**ხის მხატვრული დამუშავება**  
სწავლის ხანგრძლივობა – 17 თვე, პროგრამაზე დაშვების წინაპირობა – საბაზო განათლება.

**ელექტრობა**  
სწავლის ხანგრძლივობა – 8 თვე, პროგრამაზე დაშვების წინაპირობა – საბაზო განათლება.

**საოფისე საქმე**  
სწავლის ხანგრძლივობა – 10 თვე, პროგრამაზე დაშვების წინაპირობა – სრული ზოგადი განათლება.

საოფისე საქმეში საშუალო პროფესიული კვალიფიკაციის მფლობელს შეუძლია დასაქმდეს საჯარო და კერძო დაწესებულებებში: ოფისის მენეჯერად, ხელმძღვანელის თანაშემწედ, მდივანად. დოკუმენტაციის წარმოებასა და გარკვეული ორგანიზაციული ქვედანაყოფების ადმინისტრაციული სტრუქტურული ერთეულის სპეციალისტად და დამამარე მუშაკებად.

რეგისტრაციის გასავლელად ეწვიეთ საიტს: [www.vet.emis.ge](http://www.vet.emis.ge)

ან მობრძანდით კოლეჯში „თეთრული“

მის: მესტია, ერეკლე ფარჯიანის ქ. 25

რეგისტრაციის პერიოდი: 02/09-22/09/2024 წ.

სწავლა უფასოა

# საერთაშორისო ვორკშოპი „ზემო სვანეთის კულტურული მემკვიდრეობის ხელახლა აღმოჩენა“

ივანე ჯავახიშვილის სახელობის თბილისის სახელმწიფო უნივერსიტეტის ხელოვნების ისტორიისა და თეორიის ინსტიტუტის ორგანიზებით სვანეთის ისტორიისა და ეთნოგრაფიის მუზეუმში, ჩატარდა საერთაშორისო ვორკშოპი „ზემო სვანეთის კულტურული მემკვიდრეობის ხელახლა აღმოჩენა“. (ხელმძღვანელი: პროფესორი ზაზა სხირტლაძე, პროფ. ირინა კოშორიძე) ათდღიან საერთაშორისო ვორკშოპში მონაწილეობდა მაგისტრატურისა და დოქტორანტურის საფეხურის ათი ახალგაზრდა მკვლევარი, რომელთაც მოინახულეს ზემო სვანეთის კულტურული მემკვიდრეობის ძეგლები, მონაწილეობა მიიღეს სავლე-კვლევიტით სამუშაოებში და ჩაერთნენ სამეცნიერო დისკუსიაში. მოგზაურები ვორკშოპის ერთ-ერთ ლოკაციას, სვანეთის ისტორიისა და ეთნოგრაფიის მუზეუმს ესტუმრნენ, სადაც მონაწილეებმა მუზეუმის შუასაუკუნეების საგამოფენო დარბაზში წარმოადგინეს პრეზენტაციები: „ბიზანტიური ხელოვნე-

ბისა და ხატუნების ზოგადი ტენდენციები: ჯვარცმისა და ორმოცო მონამის ხატები, სეტის ტრიპტიქი“ – დორითა ზარპხალსკა. სვანეთის ხატუნების ხალხური ტენდენციები: ლეთისმშობლისა და წმინდა ბარბარეს ხატი, წმინდა მემორების ხატი“ – ბელა რადანოვიჩი. საერთაშორისო კულტურული ვორკშოპი ხორციელდება სირაკუზის უნივერსიტეტის ხელოვნებისა და მეცნიერების კოლეჯსა და ნიუ ჯერსის სახელმწიფო უნივერსიტეტის რატგერის ხელოვნების ისტორიის დეპარტამენტთან თანამშრომლობით. ვორკშოპის პარტნიორი გახლდათ სვანეთის ისტორიისა და ეთნოგრაფიის მუზეუმი.



# პაჩე რაინდელის პოეზია

2024 წლის 27 ივლისს სვანეთის ისტორიის და ეთნოგრაფიის მუზეუმის საკონფერენციო დარბაზში გაიმართა ვაჩე რაინდელის (ილია ჭავჭავაძე) პოეზიის საღამო, რომელიც ადგილობრივი გაზეთი „ლილე“-სა და სვანეთის მუზეუმის ორგანიზებით ჩატარდა.

ლონისძიება მისასალმებელი სიტყვით გახსნა და მისი წიგნის „ედემის ჩიტი“, შემოქმედების, ბავშვობისა და მისი ბიოგრაფიის საკვანძო საკითხების შესახებ ისაუბრა პოეტმა ვაჩე რაინდელმა.

შეხვედრაში საპატიო სტუმრების სახით მონაწილეობა მიიღეს ცნობილმა ქართველმა პოეტებმა, შორენა თალაკვაძემ, ნანა ცინცაძემ და ნინო უძი-

ლაურმა, რომლებმაც ვაჩე რაინდელის პოეზიის, შემოქმედებისა და ამ დღის მნიშვნელობის შესახებ ისაუბრეს. პოეტი და მისი შემოქმედება საზოგადოებას წარუდგინა ნანა ცინცაძემ. ღონისძიებას პოეტის ახლობლები, მეგობრები, მონვეული სტუმრები, სვანეთის მუზეუმის თანამშრომლები და თავად პოეტის გულშემმატკივრები ესწრებოდნენ.

ზღვა ემოცია, დროში მოგზაურობა, სტილი ლიტერატურული სალონისა, გულწრფელი ემოციები, აპლოდისმენტები, კმაყოფილი და სიამაყით სავსე დამსწრე საზოგადოება, ესაა იმ ამბავთა ჩამონათვალი, რაც თან ახლდა პოეზიის საღამოს.



# მუხრან შუკვანის სახელობის ბარდაშავალი თასის ტურნირი მესტიაში



„მინდა უკვდავი ვიყო... ვიცხოვრო მაშინაც კი, როცა გარდავიცვლები“ – ეს ლეიტენანტ მუხრან შუკვანის სიტყვებია და მართლაც, ის გარდაცვალების შემდეგაც აგრძელებს სიცოცხლეს, როგორც ქართველი, უკვდავი გმირი.



1 სექტემბრიდან, დაბა მესტიაში მიმდინარეობდა ტრადიციულ ქვეული ISAF-ის მისიაში 2010 წლის 5 სექტემბერს გმირულად დაღუპული მე-3 ქვეითი ბრიგადის 31-ე ქვეითი ბატალიონის, სამხედრო მოსამსახურის, უფროსი ლეიტენანტის, მუხრან შუკვანის სახელობის გარდამავალი თასის ტურნირი მინიფეხბურთში, რომელიც 5 სექტემბერს დასრულდა.

ლონისძიება საზეიმოდ გახნა და დახურა მესტიის ადგილობრივმა ანსამბლმა „რიპო“ (ხელმძღვანელი ვახტანგ ფილფანი), რომელმაც წარმოადგინა ფოლკლორული ნომრები.

ტურნირის შესარჩევ ეტაპზე თვრამეტმა გუნდმა მიიღო მონაწილეობა, აქედან ექვს გუნდს საქართველოს თავდაცვის ძალების გუნდები წარმოადგენდნენ, 12 გუნდი კი მესტიის მუნიციპალიტეტის საფეხბურთო გუნდები გახლდათ სხვადასხვა ტერიტორიული ერთეულიდან.

პირველ ადგილზე გავიდა თავდაცვის ძალების გუნდი „არმია“, მეორე ადგილის მფლობელი გახდა იფარის საფეხბურთო გუნდი, მესამე ადგილი კი დაიკავა მესტიის №1 ნაკრებმა გუნდმა.

გამარჯვებულ გუნდს, ტრადიციულად, გარდამავალი თასი გადასცა მუხრან შუკვანის დედამ – კლარა გულედაშვილი.

ტურნირის საუკეთესო ბომბარდირად თეზო ხაჭვანი დასახელდა (იფარის გუნდი);

საუკეთესო მეკარე – ჯემალ კვირიკაშვილი (თავდაცვის ძალების გუნდი „არმია“);

საუკეთესო მცველი – ბესო ჯაფარიძე (მესტიის №1 გუნდი);

საუკეთესო ნახევარმცველი – შმაგი ჭოხონელიძე (თავდაცვის ძალების გუნდი „არმია“);

საუკეთესო ფეხბურთელი – გიორგი გომთელიანი (მესტიის №1 გუნდი);

საუკეთესო თავდამსხმელი – ნიკა ხაჭვანი (იფარის გუნდი);

ტურნირის აღმორჩენა – ლუკა არღელიანი (მესტია №2 გუნდი, ცხუმარი).

ტურნირის საუკეთესო ბომბარდირს გადაეცა საქართველოს თავდაცვის ძალების დასავლეთ სარდლობის მე-2-ე ქვეითი ბრიგადის 24-ე საარტილერიო ბატალიონის მეთაურის, სამსახურებრივი მოვალეობის შესრულების დროს ტრაგიკულად დაღუპული ვიცე-პოლკოვნიკის – გოდერძი აფრასიძის სახელობის სპეციალური თასი, რომელიც თეზო



ხაჭვანს გოდერძი აფრასიძის მეუღლემ, მადონა ცინდელიანი გადასცა.

გამარჯვებული გუნდის ყველა წევრს გადაეცა მედლები, სიგელები და ფასიანი საჩუქრები, მეორე და მესამე ადგილზე გასულ გუნდებს გადაეცათ მედლები და სიგელები. საქართველოს თავდაცვის ძალების წარმომადგენლებს მესტიის მუნიციპალიტეტისგან გადაეცათ ასევე ფასიანი საჩუქრები.

ფასიანი საჩუქარი გადაეცა შპს „მესტიის საავადმყოფო-ამბულატორიული

გაერთიანების“ კლინიკურ მენეჯერს, ქირურგს, დავით ბარლიანს, რომელიც წლების განმავლობაში სამხედრო ჰოსპიტალს წარმატებით ხელმძღვანელობდა.

ტურნირის დახურვის ცერემონიალს ესწრებოდნენ: დასავლეთის სარდალი, ბრიგადის გენერალი – კობა გრიგოლია, პოლკოვნიკი – ალექსანდრე ტულუში, პოლკოვნიკი – დავით ფოფხაძე, პოლკოვნიკი – მიხეილ გოგინაძე, პოლკოვნიკი – ნიკოლოზ აგლაძე, პოლკოვნიკი – ლაშა გრიგოლია, ვიცეპოლკოვნიკი, ლოჯისტიკური უზრუნველყოფის სარდლობიდან – მანუჩარ რატიანი, ვიცე-პოლკოვნიკი – დავით გულბანი, ვიცე



პოლკოვნიკი – თამაზ ავალიანი, ვიცე პოლკოვნიკი – დავით ჩარქელანი, მაიორი კახაბერ – ციციძე, მთავარი სერჟანტი – რამაზ პაიკიძე, უფროსი სერჟანტი – მალხაზ კოპალიანი, სერჟანტი – თორნიკე გასვიანი, თავდაცვის ძალების პროტოკოლი – გიორგი ბუჭანიშვილი.

აღნიშნული ტურნირი ემსახურება როგორც გმირების სახელის უკვდავყოფას, ასევე ფეხბურთის და ჯანსაღი ცხოვრების წესის დამკვიდრებას ახალგაზრდებში.

## მიზანდასახული ახალგაზრდა

ბევრისთვის ცნობილია, როგორ მოხვდები 12 წლის წინ ლახამულაში და შემდგომ ხუთი წელი იქ გავატარებ. 5 წელი ნამდვილად არაა ცოტა, მომეხსნო შეყვარება სოფლისა და ხალხისა, ვისთანაც მიწვევდა თანაცხოვრება.

ხუთი წლის მანძილზე ბევრმა გაიცნო ჩვენი სკოლა მოსწავლე – მასწავლებლებიანად. აქტიურობდნენ მოსწავლეები, მრავალფეროვანი ცხოვრებით ცხოვრობდნენ და ზოგიერთმა სკოლის დასრულების შემდეგაც გააგრძელა აქტიურობა.

მასწავლებლისთვის მოსწავლის წარმატება ყოველთვის სასიხარულოა! ამ დროს სიხარულის, სიამაყის ცრემლი გაწვევა და თვალწინ ის წლები ჩაგირბენს, მასთან რომ გაგიტარებია!

დავით და ლუკა კვირიკაძეები განსაკუთრებულად გამოირჩეოდნენ სხვადასხვა მიმართულებით. ლუკას წერილი „მე რომ სოფლის გამგებელი ვიყო“, რომელიც საკონკურსო იყო (და მერე არ შედგა ის კონკურსი რატომღაც) გაზეთმა „ლილე“ დაბეჭდა.

მე-8 კლასელი ლუკა მაშინ წერდა:

„ჩემი აზრით, გამგებელი უნდა იყოს ხალხის მიმართ ძალიან ყურადღებიანი და მონდომებული, მშობლიური კუთხის პატრიოტი. მე რომ გამგებელი ვიყო, მექნებოდა ჩემი კალენდარი, სადაც ყველა სოფლის შემოსავლელად დაწესებული მექნებოდა თითოეული სოფლისთვის განკუთვნილი დღე, როცა შევხვდებოდი სოფლის მოსახლეობას და გავცინობოდი მათ პრობლემებს.

დღეს სოფლის მოსახლეობის პრობლემა არასტაბილური შემოსავალია, ამიტომ ახალგაზრდებს ქალაქისკენ გაურბით გული და გონება.

ჩემი სოფლის მაგალითზე გეტყვი: 40 წლის წინ სოფლის სკოლაში 100-მდე მოსწავლე ყოფილა, დღეს მხოლოდ 23 მოსწავლეა და მომავალ წელს კიდევ უფრო ნაკლები იქნება.

ადრე სოფელში კლუბიც ყოფილა, კინოსაც უშვებდნენ თურმე. დღეს კი, სკოლასაც კი არ გააჩნია ისეთი ოთახი, სადაც ლონისძიებას ნორმალურად ჩავატარებდით. მოედანაც არ გავაჩნია, რომ ბავშვებმა ფეხბურთის ან ფრენბურთის თამაშით გული ვიფეროთ. არ მგონია, სოფელში სხვაზე ნაკლები ბავშვები ვიყო! ელემენტარული პირობები არ გვაქვს ჩვენი ნიჭის გამოსავლენად, თორემ სპორტში ალბათ ტოლს არ დაუდებდით მათ, ვისაც ყველანაირი პირობები აქვთ.“

მე რომ გამგებელი ვიყო, სოფლის მოსახლეობას შიდა გზებს მოუწუნებდით, უსაფრთხო ელექტრო ბოძებს დაუფრთხილებდი და რაც მთავარია შევექმნიდი სამუშაოდ ფერმებს, სათბურებს, დავა-საქმებდი ადგილობრივებს და ვინც განსაკუთრებული გულისყურით მიუდგებოდა საქმეს, ნაჯახბალებდი.

ხალხი დაინტერესდებოდა და სოფელი გაძლიერდებოდა.

ბევრ სოფელშია მინერალური სამკურნალო მნიშვნელობის წყლები, რომლებსაც დაცვა და გადარჩენა სჭირდება.

ყველა სოფელში განავითარებდი ტურიზმს. ამისათვის მოეწოდებდი პრეზიდენტს ან პრემიერს, გავუკეთებდი რეკლამას და ავალორძინებდი ტურიზმს.

ტურისტებს შევთავაზებდი ადგილობრივ ფერმასა და სათბურში მოყვანილ პროდუქტს.

სოფლის მოსახლეობას მთებში გზას გავეყვანდი, რომ მეურნეს გაადვილებოდა საქონლის მოვლა-შენახვა. ასევე აღვადგენდი ძველ ისტორიულ ძეგლებს.

რა თქმა უნდა, ყველაფერს გამგებელი ვერ განვდებ, მაგრამ როცა ხალხი დაინახავს მის უნაგარობას, თავდადებებს, საქმისადმი ერთგულებას და ხალხის სიყვარულს, მაშინ ყველა მხარში ამოუდგება დასახული მიზნის მისაღწევად.“

სპორტის წყურვილი და სურვილი ლუკამ საბავო სკოლის დამთავრების შემდეგ აისრულა. რუსთაველი გადავიდა საშუალო საფეხურზე სწავლის გასაგრძელებლად და უფროს ძმასთან, დავითთან ერთად რუსთავეის RITM Fitness Club-ის გუნდის წევრი და კრივის მწვრთნელიც გახდა.

წელს ლუკამ 3 შუკვირში მიიღო მონაწილეობა, რომლიდანაც ორი იყო საერთაშორისო. პირველი საქართველოს პირველობა იყო, სადაც მესამე ადგილი დაიკავა, შემდეგ ზაფხულში ირაკლი აბაშიძის სსნოვისადმი მიძღვნილი საერთაშორისო ტურნირი ბათუმში 18 ივნისიდან 22 ივნისის ჩათვლით, 21 ქვეყნის უძლიერეს სპორტსმენს მასპინძლობდა ლუკამ გაიმარჯვა და ჩემპიონი გახდა. ბოლოს კი გორში კანდელაკის საერთაშორისო ტურნირზე, როგორც თვითონ ამბობს, ნაკრების პირველ ნომერთან

კარგ ბრძოლაში დამარცხდა. მეორე დღეს სპარინგები ჩაატარა ევროპის ჩემპიონატის მონაწილე სომეხ სპორტსმენთან, რომელთანაც მწვრთნელის დავალებით ტექნიკა-ტაქტიკური გეგმით მარტივად და დამაჯერებლად ჩამთავრა სპარინგების სესია. მთელი წელი ლუკა აქტიური



იყო, ყველა შუკვირში მიიღო მონაწილეობა, ჩაატარა კარგი

ბრძოლები, აჩვენა თავისი შესაძლებლობები და ამ ყველაფერს უკვალოდ არ ჩაუვლია! გარემოებებიდან გამომდინარე ეროვნული ნაკრების მწვრთნელებმა განწყვიტეს მისი ნაკრებში აყვანა. ახლა უკვე ყველაფერი, მისი როგორც მოკრივის კარიერის განვითარება უკვე მისივე სიტყვებით რომ ვთქვა, მის შრომისმოყვარეობაზე და მონდომებაზე დამოკიდებულია.

მე, როგორც ლუკას მასწავლებელს, მჯერა მისი თავდაუზოგავი მიზანდასახულობის და იმედს ვიტოვებ, როგორც ილია სულამანიძეს ჩაკითხა პარიზში მასწავლებელმა საგულშემატკივროდ, მეც ამერიკაში ვუგულშემატკივრებ საყვარელ მოსწავლეს! ისიც მჯერა, რაც მაშინ მე-8 კლასის მოსწავლემ სოფლის თავს „დააკისრა“ და დღემდე ვერ მოგვარებულა, თვითონ შეძლებს სოფლის აღორძინებას!

ამჯერად კი ვულოცავ ვერ მას, შემდეგ მისი ოჯახის ყველა წევრს და სოფელს, სადაც მისი ფესვებია და მთელ სვანეთს!

ლალი მარგიანი

**დაფუძნებელი:** მესტიის მუნიციპალიტეტის საკრებულო.

**მისამართი:** დაბა მესტია, სატის მოედანი 1.

გაზეთი მოამზადა მესტიის მუნიციპალიტეტის საკრებულოს პრესცენტრის განყოფილებამ

**ირმა ჯაჭვლიანი, ინეო ნაკანი**

**გაზეთი აიწყო და დაკავალდა** შპს. „გამომცემლობა კოლორში“ (ტირაჟი - 600 ცალი)

ინფორმაციისათვის დაგვიკავშირდით ტელეფონის ნომერზე: 599 85 55 45

**ირმა ჯაჭვლიანი**  
ელ. ფოსტა: [irmajachvliani1968@gmail.com](mailto:irmajachvliani1968@gmail.com)